

Evening Dogri (NSD) Bulletin 28-11-2024

आकाशवाणी

खास खास खबरां

1. बरोधी धड़े आसेआ बक्ख-बक्ख मामलें गी लेइयै कीते गोदे हंगामे करी संसद दे दौनें सदनें दी कार्रवाई कल्लै तोहड़ी स्थगित करी दिल्ली गई।
2. भारत नै बंगलादेश गी आखेआ ऐ जे ओह उत्थे रवै करदे हिंदुएं ते होरनें सब्बनें अल्पसंख्यकें ते उंदी पूजा आहली थाहरें दी सुरक्षा जकीनी बनाए।
3. झारखंड मुक्ति मोर्चा दे वरिष्ठ नेता हेमंत सोरेन होरें उप्परोतली चौथी बारी झारखंड दे मुखमंत्रि दे तौर पर औहद्धे दी सगंध चुक्की।
4. उद्योग ते बपार मंत्री पीयूष गोयल होरें भारती उद्योग परिसंघ – सीआईआई दे बपार गी सौक्खा बनाने ते विनियमन सरबंधी मामलें आहले पोर्टल दा अज्ज नमीं दिल्ली च शुभारंभ कीता।
5. प्रधानमंत्री नरेन्द्र मोदी होरें भारती इतिहास ते संस्कृति दे प्रति दुनिया भरै च दस्से जा करदे जोश पर खुशी जाहर कीती ऐ।
6. सरकारै आखेआ ऐ जे उजाला योजना दे तैहत एलईडी लाटुएं दी बंडड कन्नै हर ब'रे तकरीबन 19 जहार करोड़ रुपें शा मते दी बचत होआ करदी ऐ।

<><><><><><>

Parliament Adjourned

संसद दे दौनें सदनं दी कारवाई अज्ज इक बारी परतियै स्थगित करनी नेई। बडलै संसद दी बैठक दे शुरू होरें गी कांग्रेस, खब्बे धड़े, डीएमके, टीएमसी, समाजवादी पार्टी, आम आदमी पार्टी ते होर दुई विरोधी पार्टिं दे सांसद इक बपार घराने आस्सेआ कथित तोरा पर गुज्जखोरी दे मुद्दे गी लेइयै डंड रौली पाल लगी पे ते बार बार ठाकने पर बी आखे नेई लगने पर कारवाई 12 बजे तगर स्थगित करी दित्ती गई। जिसलै कारवाई परतियै शुरू होई ते इनें परतियै किट्ठे होइयै हंगामा करना शुरू करी दित्ता। राज्य सभा दे चेयरमैन जगदीप धनखड़ होरें विरोधी धड़ें दे मिंबरें गी आखेआ जे ओह अपनी अपनी सीटें उप्पर जाई बेईउजान, लेकन ओह लगातार नारेबाजी करदे रेह। उनें आखेआ जे संसद चर्चा करने दा इक मंच ऐ। उनें सदन गी सुचारक ढंगै सिर चजाने लेई सदस्यें गी सैहयोग देने लेई बी आखेआ। लोकसभा च बी हंगामा जारी रेआ। जिसलै 12 बजे सदन दी बैठक परतियै शुरू होई ते विपक्ष दे सदस्यें बिच्च बश्कार आई गे ते बक्ख-बक्ख मुद्दें उप्पर नारेबाजी करन लगे। पीठासीन अध्यक्ष होरें बार बार सदन च बवसीा बनाई रखने दा आग्रह कीता लेकन उनें अपना विरोध प्रदर्शन जारी रकखेआ। अस करी सदन गी दिन लेई स्थगित करी दित्ता गेआ। संसदीय मामले दे मंत्री किरन रिजिजू होरें सदन च विपक्ष दे इस बर्ताव दी निंदेया कीती, उआं वक्फ संशोधन बिल 2024 सरबंधी सांझी संसदीय कमेटी दे चेयरमैन जगदम्बका पाल होरें कमेटी दी रिपोर्ट पेश करने दा समा बजट सत्र 2025 दे खीरी दिन तगर बधाने दा प्रस्ताह पेश कीता ते सदन नै इस प्रस्ताह गी मंजूरी देई दित्ती। इस गिमां पैहले हुनै होए दे उप-चुनाएं च जित्त हासल करने आले कांग्रेस दे नेता प्रियंका गांधी वाड्रा ते रविन्दर वसंतराव चव्हान होरें लोकसभा च संसद सदस्य दे तौरा उप्पर सगंध लैती।

<><><><><><><>

LS Highspeed Train Vande Bharat

सरकारै अज्ज लोकसभा च दस्सेआ जे रेलवे नै तेज रफतार कन्नै चलने आहली रेलगड्डिये दी डिजाइनिंग ते निर्माण दा कम्म शुरू करी दित्ता ऐ। रेल मंत्री अश्विनी वैष्णव होरें दस्सेआ जे इंटीग्रल कोच फैक्ट्री इक होर सरकारी उपक्रम बी.ई.एम.एल. दे सैहयोग कन्नै इस रेलगड्डी दी डिजाइनिंग ते निर्माण करै करदी ऐ, जेहदी बद्धोबद्ध रफतार 280 किलोमीटर फी घँटा होग। उनें इब्बी आखेआ जे वंदे भारत सेवाएं दी रफतार गी घट्ट करने दा कोई प्रस्ताऽ नई ऐ।



LS PM Svanidhi

सरकारै आखेआ ऐ जे 67 लक्ख थमां मते लोकें गी पीएम-स्वनिधि योजना राएं लाह हासल होआ ऐ। एह योजना 2020 च शैहरें च रेहड़ी-फड़ी आहलें गी 50 ज्हार रुपें तगर दा दोआर-कर्जा देने दे मकसद कन्नै शुरू कीती गई ही। घरें मकानें ते शैहरी मामलें दे राज्य मंत्री तोखन साहू होरें लोकसभा च लिक्खियै दित्ते गेदे इक परते च एह जानकारी सांझी कीती। उनें दस्सेआ जे हुनै तगर 13 हजार करोड़ रुपें दा दोआर बंडडेआ जाई चुके दा ऐ।



LS PM Vishwakarma

सरकारै आखेआ ऐ जे पीएम विश्वकर्मा योजना तैहत लगभग 25 लक्ख लाभार्थी पंजीकृत न। भलेआं लौहके, लौहके ते दरम्याने दर्जे दे उद्योगें सरबंधी राज्यमंत्री शोभा करंदलाजे होरें अज्ज लोकसभा च लिक्खियै दित्ते गेदे इक परते च एह जानकारी सांझी कीती। उनें दस्सेआ जे इसदा मकसद 18 शोबें च लग्गे दे कारीगरें ते दस्कारें गी सहायता उपलब्ध कराना ऐ। करंदलाजे होरें इब्बी दस्सेआ जे सितंबर 2023 थमां अक्तूबर 2024 तगर पीएम विश्वकर्मा योजना तैहत 2 ज्हार

122 करोड़ रुपें शा मते दी रकम दी मंजूरी दित्ती गई ऐ। उनें दस्सेआ जे सरकार नै इस योजना तैहत 30 लक्ख कारीगरें दे पंजीकरण दा लक्ष्य मित्थे दा ऐ।

<><><><><><>

LS Women

सरकारै आखेआ ऐ जे पिच्छले त्र'ऊं बरें च 970 महिलाएं गी बवसायिक पायलट दे तौर पर लसैंस जारी कीते गे न। शैहरी हवाबाजी सरबंधी मैहकमे दे केन्द्री राज्य मंत्री मुरलीधर मोहोल होरें लोकसभा च इक सोआलै दे लिक्खियै दित्ते गेदे परते च एह जानकारी सांझी कीती। उनें दस्सेआ जे बक्ख-बक्ख कंपनियें च कुल 11 जहार 775 पायलट कम्म करै करदे न ते इंदे चा 15 फीसद यानी 1 जहार 767 महिलां न। उनें दस्सेआ जे सरकारै शैहरी हवाबाजी दे खेत्तर च कौशल विकास आस्तै केई गैहीं पुट्टियां न। श्री मोहोल होरें इब्बी दस्सेआ जे जे मुख्य भरै च ज्हाजें दी डुआरी आहली सिखलाई देने आहले 11 संगठन कम्म करै'रदे न।

<><><><><><>

ESIC-PMJAY

श्रम ते रोजगार मंत्रालय नै आखेआ ऐ जे कर्मचारी राज्य बीमा निगम-ईएसआईसी, आयुष्मान भारत प्रधानमंत्री जन आरोग्य योजना दी सुविधाएं गी ईएसआईसी च शामिल करियै निगम दे कर्मचारिएं ते उंदे आश्रितें गी सेहत सेवां दित्ते जाने पर कम्म करै करदा ऐ। मंत्रालय नै अज्ज जारी इक ब्याने च आखेआ ऐ जे इस पैहज कन्नै 14 करोड़ 43 लक्ख ईएसआईसी दे लाभार्थी ते उंदे परोआरें गी लाह होग। उंदा आखना ऐ जे इस पैहल कन्नै भारत दी इलाज-मुआलजे सरबंधी मयारी सेवाएं दा लाह कर्मचारिएं गी मिलोग। कर्मचारी, मुख्य भरै च 30 जहार शा मते आयुष्मान भारत प्रधानमंत्री जन आरोग्य दे सूचीबद्ध अस्पतालें च दुए ते त्रीये स्तर दी डाक्टरी सेवा दा लाह हासल करी

सकन। इलाज दे खर्चे पर कोई माली हद्द नेई होग। मंत्रालय मूजब, ईएसआईसी दे लाभार्थिं दे इलाज लेई देस भरे दे खैराती अस्पताल बी सूचीबद्ध कीते जांगन।



RS Bangladesh

भारत नै बांग्लादेश गी आखेआ ऐ जे ओह उत्थे रवै करदे हिंदुएं ते होरनें सब्बनें अल्पसंख्यकें ते उंदी पूजा आहली थाहरें दी सुरक्षा जकीनी बनाऽ। विदेश राज्य मंत्री कीर्ति वर्धन सिंह होरें अज्ज राज्यसभा च दस्सेआ जे अल्पसंख्यकें सने बांग्लादेश दे सब्बनें नागरिके दे जीवन ते आजादी दी सुरक्षा दी सब्बनें शा पैहली जिम्मेदारी बांग्लादेश सरकार दी ऐ। पिच्छले किश म्हीनें च उत्थे हिंदू मंदरे ते देवताएं दिएं मूर्तिये गी नुक्सान पुजाने दी केई घटनां सामने आइयां न। सिंह होरें गलाया जे भारत नै इस ब'रे दुर्गा पूजा दे दरान ढाका दे तांतीबाजार च पूजा मंडप पर हमले ते सतखीरा च जेशोरेश्वरी काली मंदरै च चोरी ज्नेई घटनाएं पर अपनी चैता जाहर कीती ऐ।



LS – Hoax Bomb Threat

इस ब'रे लगभग इक ज्हार फर्जी बम्ब धमकी आहले संदेस ते फोन कॉल आए न ते एह पिच्छले ब'रे दे मुकाबले च तकरीबन अटूठ गुना बद्ध न। लोकसभा च इक सोआलै दे लिक्खियै दित्ते गेदे परते च शैहरी हवाबाजी सरबंधी मैहकमे दे केन्द्री राज्य मंत्री मुरलीधर मोहोल होरें दस्सेआ जे ब'रे 2023 च कुल 122 फर्जी बम्ब धमकी दे संदेस हासल होए हे। उनें दस्सेआ जे इस ब'रे 250 शा मते मामले दर्ज कीते गे न ते 12 गिरफ्तारियां होइयां न। श्री मुरलीधर होरें इब्बी दस्सेया जे सरकार फर्जी धमकी संदेश पुजाने आहले गी 'नो फलाई लिस्ट' च पाने लेई विमान (सुरक्षा) नियम, 2023 च संशोधन करने पर विचार करै करदी ऐ।



RS E-Shram Portal

श्रम ते रोजगार मंत्री मनसुख मांडविया होरें अज्ज आखेआ ऐ जे गैर-संगठित खेत्तर दे 30 करोड़ 40 लक्ख शा मते श्रमिकें ई-श्रम पोर्टल पर पंजीकरण करोआया ऐ। राज्यसभा च इक सोआलै दे लिखियै दित्ते गेदे परते च श्री मांडविया होरें आखेआ जे एह, देशै दे गैर-संगठित श्रम गी समर्थन देने सरबंधी सरकार दी वचनबद्धता ते पैहलकदमी दे समाजी असर पर लोऽ पांदा ऐ। उनें आखेआ जे स्व-घोषणा दे अधार पर इस पोर्टल पर गैर-संगठित खेत्तर दा कोई बी श्रमिक पंजीकरण करोआई सकदा ऐ।



LS-Waqf Bill

लोक सभा नै अज्ज वक्फ संशोधन पिधेयक पर सांझी संसदीय समिति गी बजट सत्र दे अगले दिन तगर अपनी खीरी रिपोर्ट पेश करने आस्तै प्रस्ताह पारित कीता गेआ ऐ। कमेटी दे अध्यक्ष ते बीजेपी दे नेता जगदंबिका पाल होरें लोकसभा च इसी पेश कीता ते इसी ध्वनी मते कन्नै मंजूर करी दित्ता ऐ। बुधवारें विपक्ष दे मिंबरें सदन थमां वाल्क आउट कीता ते दोष लाया जे मसोदे गी तैआर करी दित्ता गेआ ऐ। लोकसभा नै 8 अगस्त गी कमेटी दा गठन कीता हा ते कमेटी गी अपनी रिपोर्ट 29 नवम्बर गी जमा करोआनी ही।



Jharkhand CM Swearing in

झारखंड मुक्ति मोर्चा दे नेता हेमंत सोरेन होरें अज्ज चौथी बारी झारखंड दे मुख्यमंत्री दे औहद्धे दी सगंध चुक्की। राज्यपाल संतोष कुमार गंगवार होरें रांची दे मोरहाबादी मैदान च सोरेन होरें गी औहद्धे ते गोपनीयता दी सगंध चुकाई।

इस मौके पर पर कांग्रेस अध्यक्ष मल्लिकार्जुन खरगे, लोकसभा च विपक्ष दे नेता राहुल गांधी, पच्छिम बंगाल दिआं मुख्मन्त्री ममता बनर्जी, पंजाब दे मुख्मन्त्री भगवंत मान, दिल्ली दे साबका मुख्मन्त्री अरविंद केजरीवाल ते कर्नाटक दे उपमुख्मन्त्री शिवकुमार हुंदे सने इंडी गठबंधन दे केई नेता बी मजूद हे। समारोह च समाजवादी पार्टी दे प्रमुख्मन्त्री अखिलेश यादव, राश्ट्री जनता दल दे नेता तेजस्वी यादव ते भारती कम्युनिस्ट पार्टी-मार्क्सवादी लेनिनवादी दे महासचिव दीपांकर भट्टाचार्य बी शामिल होए। विधानसभा च विश्वास मत हासल करने दे बाद मुख्मन्त्री हेमंत सोरेन होर अपने मंत्रिमंडल दा गठन करडन।

<><><><><><>

Nadda – Delhi Govt.

केंद्री सेहत मंत्री जगत प्रकाश नड्डा होरें अज्ज आयुष्मान भारत प्रधानमंत्री जन आरोग्य योजना गी लागू नेई करने पर दिल्ली दी आम आदमी पार्टी सरकार पर जबानी हमला कीता। इक सोशल मीडिया पोस्ट च नड्डा होरें आखेआ जे आम आदमी पार्टी दी सरकारै दिल्ली दी जनता गी जानी-बूझियै इस योजना थमां वंचित रक्खेआ ऐ। उनें आखेआ जे दिल्ली सरकारै साढे 6 लक्ख शा मते योग्य परोआरें ते दिल्ली च 70 ते ओहदे शा मती उम्री दे सब्बनें नागरिकें गी इस महत्वपूर्ण सेहत बीमा थमां वंचित रक्खेआ। श्री नड्डा होरें आखेआ जे दिल्ली हाई कोर्ट नै बी इस जन-केंद्रित योजना गी लागू नेई करने लेई दिल्ली सरकार दी निंदेआ कीती ऐ। उनें आखेआ जे लोकतांत्रिक सरकारें गी राजनीतिक मतभेदें गी बक्ख रक्खियै जनता गी मदाद ते सेवां प्रदान करने आहली योजनां लागू करनी लोड़चदी ऐ।

<><><><><><>

Goyal Growth

केन्द्री उद्योग ते बपार मंत्री पीयूष गोयल होरें आखेआ ऐ जे बक्ख-बक्ख खेत्तरें च विकास कन्नै भारत अज्ज अंतर्राष्ट्रीय बपार, शोध ते रास पूंजी लेई पैहली पसंद बनी गेआ ऐ। नमीं दिल्ली च अज्ज मीडिया गी संबोधत करदे होई री गोयल होरें दस्सेआ जे डिजीटल इंडिया अभियान कन्नै देसै च क्रांति आई ऐ, जिसलै दुनिया च भारत गी डेटा सरबंधी केन्द्र, आर्टिफिशल इंटेलीजेंस च शोध ते वैश्विक समर्थ केन्द्र दे तौरा पर स्थापत कीता ऐ। उनें इब्बी आखेआ जे आपूं चै जुड़े दे ग्रिड नेटवर्क ते बुनियादी ढांचे दे विकास कन्नै देसे दी संपर्क प्रणाली च क्रांतिकारी बदलाव आया ऐ। श्री गोयल होरें आखेआ जे अमरीका ते ब्रिटेन च शासन च बदलाव दा उंदे दरम्यान मजूदा बपारिक सांझ भ्याली पर कोई असर नेई पौग। उनें आखेआ जे भारत संसद दे स्थाने आले इजलास परेंत ब्रिटेन दे कन्नै अपने मुक्त बपार समझौते पर गल्लबात जारी रक्खोग।



Goyal CII

केन्द्री उद्योग ते बपार मंत्री पीयूष गोयल होरें भारती उद्योग परिसंघ – सीआईआई दे बपार गी सौक्खा बनाने ते विनियमन सरबंधी मामलें आहले पोर्टल दा अज्ज नमीं दिल्ली च शुभारंभ कीता। एह पोर्टल केंद्र सरकार ते भारती उद्योग परिसंघ आसेआ बपार गी सौक्खा बनाने बारै कीती गेदी प्रमुख पैहलकदमिएं ते एहदे'नै सरबंधत हालिया जानकारी प्रदान करोग। इस मौके पर श्री गोयल होरें आखेआ इक्कै थाहरै पर केई सुविधां प्रदान करोआने आहली सरकार दी राष्ट्रीय प्रणाली नै बपार गी सौक्खा बनाने दे सरिस्ते च सुधार आहन्नेआ ऐ। इस प्रणाली कन्नै बक्ख-बक्ख खेत्तरें, उद्योगें ते विभागें गी किट्टै इक्कै मंच पर आहनेन च कामयाबी थहोई ऐ। गोयल होरें गलाया जे जन विश्वास टू प्वाइंट जीरो विधेयक दे तैहत, सरकार 300 शा मते कनूनें गी खत्म करने पर संजीदगी कन्नै विचार करै करदी ऐ। उनें परिसंघ गी अपने सदस्यें गी कनूनें प्रति संवेदनशील बनाने ते

कनून दी भावना दा सम्मान करने दा आग्रैह कीता। गोयल होरें कनून दिएं खामियें दा फायदा ठोआने दी प्रवृत्ति दे खलाफ खबरदार करदे होई आखेआ जे एह अर्थबवस्था लेई नुक्सानदायक ऐ।



PM Culture

प्रधानमंत्री नरेन्द्र मोदी होरें भारती इतिहास ते संस्कृति दे प्रति दुनिया भरै च दस्से जा करदे जोश पर खुशी जाहर कीती ऐ। सोशल मीडिया पर इक पोस्ट च श्री मोदी होरें आखेआ ऐ जे भारती संस्कृति आलमी सतह उप्पर गूंजदी ऐ। अपनी विदेश जात्तराएं दिआं झलकियां सांझी करदे होई प्रधानमंत्री होरें आखेआ जे सहाड़े इतिहास ते संस्कृति दे प्रति एह जोश, बड़ी मती खुशी देने आहला ऐ।



LS LED Bulbs

सरकारै आखेआ ऐ जे उजाला योजना दे तैहत एलईडी लाटुएं दी बंडड कन्नै हर ब'रे तकरीबन 19 ज्हार करोड़ रुपें शा मते दी बचत होआ करदी ऐ। लोकसभा च लिक्खियै दित्ते गेदे इक परते च ऊर्जा राज्य मंत्री श्रीपद नाइक होरें दस्सेआ जे एहदे कन्नै पूरे देसै च हर ब'रे 48 सौ करोड़ यूनिट ऊर्जा दी बचत होआ'दी ऐ। एलईडी लाटुएं दे इस्तेमाल कन्नै चार करोड़ टन कार्बन उत्सर्जन घट्ट करने च मदाद मिली ऐ। उनें आखेआ जे एलईडी लाटुएं दे इस्तेमाल कन्नै हर परोआर सहाबै तकरीबन इक ज्हार 300 शा इक ज्हार 800 रुपे हर ब'रे तगर दी बचत होआ करदी ऐ। नाइक होरें इब्बी दस्सेआ जे ऊर्जा दक्षता सेवा लिमिटेड—ईईएसएल नै उजाला योजना दे तैहत तकरीबन 37 करोड़ एलईडी लाटु, 77 लक्ख शा मती एलईडी ट्यूबलाइटों ते 24 लक्ख ऊर्जा अनुकूल पक्खे बी बंडडे न।



India - Canada

भारत नै आखेआ ऐ जे भारत ते कनाडा नै अपने दपक्खी सरबंधें दी स्थिति गी लेइयै इक-दुए कन्नै राबता बनाए दा ऐ। भारत दा आखना ऐ जे कुसै बी स्थाई दपक्खी सरबंधें दी पैहले शा तय शर्ता, इक-दुए दिएं चैताएं, इलाकाई अखंडता ते संप्रभुता दे प्रति सम्मान करना ऐ। विदेश राज्यमंत्री कीर्ति वर्धन सिंह होरें अज्ज राज्यसभा च लिक्खियै दित्ते गेदे इक परते च एह जानकारी सांझी कीती। उनें दस्सेआ जे भारत नै कनाडा सरकार गी लगातार भारत बरोधी तत्वे खलाफ असरदार ते फौरी कार्रवाई करने लेई बी आखेआ ऐ।



Delhi Explosion

दिल्ली दे रोहिणी दे प्रशांत विहार इलाके च अज्ज इक लौहके नेह पार्क बाहर घट्ट तीव्रता दा धमाका होआ जिस करी इक व्यक्ति मामूली तौर पर जख्मी होई गेआ। दिल्ली पुलस दे जन सम्पर्क अधिकारी संजय त्यागी होरें दस्सेआ जे फोरेंसिक विभाग, क्राइम टीम ते स्पेशल सेल दे विशेषज्ञ मामले दी जांच करै करदे न। उनें दस्सेआ जे घटना दे पिच्छे दिएं वजहें दा पता लाया जा'रदा ऐ।



Prez. Defence

राष्ट्रपति द्रौपदी मुर्मू होरें आखेआ जे भारत दी रक्षा छमतानै दुनिया दा ध्यान आकर्शित कीता ऐ। वेलिंग्टन ऊटी च डिफेंस सर्विरोज टाफ ट्रेनिंग कालेज च इक संबोधन च राष्ट्रपति होरें आखेआ जे रक्षा बलें च महिलाएं दी हिस्सेदारी पर मुख गी मान ऐ। दुनिया च सब्बने थमां उच्चे युद्धक्षेत्र सियाचिन दी अपनी हाल

दी यात्रा गी चेता करदे होई उनें आखेआ जे महिला सैनिक कठन हालात च बी मजबुती कन्नै खडोती दियां रौंहदियां न। राष्ट्रपति होरें मुख्य दी रक्षा आस्तै अपने परोआर आलें गी सेना च भेजने पर उंदे परोआरें दे समर्पन दी सराहना कीती। राष्ट्रपति होरें आखेआ जे भारत 100 थमां मते मुख्यें गी रक्षा उपकरण निर्यात करा'रदा ऐ। उनें मुख्य दे रक्षा उत्पादें दी गुणवत्ता दी सराहना करदे होई आखेआ जे भारत इक भरोसेमंद रक्षा सांझेदार ऐ ते आत्म निर्भरता कन्नै कम्म करा'रदा ऐ। उनें आखेआ जे भारत वैश्विक मुद्दें बारे बी जागरूक ऐ ते एह्दे कन्नै निबड्ने लेई जतन कीता जा'रदा ऐ।

<><><><><><>